

Treuerico Galliae agro repertas : ceu plane uisenda res  
esset principem terrarum insidere portentis.

CX. Testes pecori armentoque ad crura decidui, 263  
subus adnexi; delphino praelongi ultuma conduntur  
aluo ; et elephanto occulti. Oua parientium lumbis  
intus adhaerent, qualia ocissima in uenere. Piscibus  
serpentibusque nulli, sed eorum uice binae ad genita-  
lia a renibus uenae. Buteonibus terni. Homini tan-  
tum iniuria aut sponte naturae franguntur, idque ter-  
tium ab hermaphroditis et spadonibus semiuiri genus  
habent. Mares in omni genere fortiores sunt praeter-  
quam pantheris et ursis.

CXI (50). Caudae praeter hominem ac simias omni- 264 •  
bus fere et animal et oua gignentibus, pro desiderio  
corporum nudae hirtis, ut apris, paruae uillosis, ut  
ursis, praelongae saetosis, ut equis. Amputatae lacer-  
tis et serpentibus renascuntur. Piscium meatus guber-  
naculi modo regunt, atque etiam in dexteram ac  
laeuam motae ut remigio quodam impellunt. Lacertis 265  
inueniuntur et geminae. Boum caudis longissimus  
caulis atque in ima parte hirtus ; idem asinis longior  
quam equis, sed saetosus ueterinis. Leoni in prima